

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 065-0-Su-25-001 059
Sarajevo, 05.06.2025. godine

Na osnovu člana 20., 23. Zakona o namještenicima u organima državne službe u FBiH („Službene novine Federacije BiH“, broj 49/05, 45/10 i 103/21) i člana 16. Pravilnika o izmjenama i dopunama pravilnika o unutrašnjoj organizaciji i sistematizaciji radnih mjesta Općinskog suda u Sarajevu broj: 065-0-Su-24-001535 od 11.11.2024. godine, Predsjednik suda objavljuje

JAVNI OGLAS
za popunu radnih mjesta namještenika u Općinskom sudu u Sarajevu

1. Higijeničar - 12 (dvanaest) izvršilaca na neodređeno vrijeme

1. Opis poslova: Održava čistoću radnih prostorija, ulaza u zgradu, hodnika, stepeništa i sanitarnih prostora i uređaja koje koristi ovaj sud. Održava čistoću namještaja, vrata i prozora i ostale opreme u sudu. Redovno i blagovremeno od samostalnog referenta – ekonoma Suda osigurava potrebne količine potrošnog materijala za održavanje čistoće. Uz optimiziranje potrošnje, brine se o opskrbljenosti radnih i sanitarnih prostora higijenskim potrepštinama. Redovno i blagovremeno vrši iznos smeća iz prostorija suda, blagovremeno izvještava neposredno nadređenog o primjećenim oštećenjima te o kvarovima i neispravnim instalacijama u zgradi suda kao i kvarovima na sredstvima kojima rukuje. Obavlja i druge poslove po naredbi šefa Odsjeka za tehničke poslove.

U radni odnos na radno mjesto namještenika može biti primljena osoba koja ispunjava sljedeće **opće uslove**: 1) da je državljanin Bosne i Hercegovine; 2) da je punoljetna; 3) da ima opću zdravstvenu sposobnost za obavljanje poslova radnog mjesta; 4) da u posljednje dvije godine od dana objavljivanja javnog oglasa nije otpuštena iz organa državne službe kao rezultat disciplinske kazne na bilo kojem nivou vlasti u Federaciji BiH, odnosno u Bosni i Hercegovini; 5) da nije obuhvaćena odredbom člana IX 1. Ustava Bosne i Hercegovine.

Pored općih uslova, kandidati moraju ispunjavati i posebne uslove:

- Završena osnovna škola

Kandidati su dužni dostaviti sljedeću dokumentaciju (original ili ovjerene fotokopije):

- potpisana prijava na javni oglas sa kratkom biografijom (obavezno navesti adresu i kontakt telefon);
- svjedočanstvo ili diploma o završenoj školskoj spremi;
- uvjerenje o državljanstvu ili CIPS-ova prijava prebivališta, (ne starija od dana objave ovog javnog oglasa),
- ovjerena izjava da u posljednje dvije godine **od dana objavljivanja javnog oglasa** nije otpušten/a iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini i ovjerena izjava da nije obuhvaćen/a odredbom člana IX 1. Ustava Bosne i Hercegovine.

Napominjemo kandidate da uz prijavu ne dostavljaju dokumentaciju koja nije tražena oglasom.


Izbor kandidata će se izvršiti nakon obavljenog intervjua.

Kandidati-korisnici prava iz člana 3. Uredbe o jedinstvenim kriterijima i pravima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i Općinama u Kantonu Sarajevo („Sl. novine Kantona Sarajevo“, br. 37/20 i 27/21) dužni su dostaviti dokumentaciju kojom dokazuju pravo na prvenstvo pri zapošljavanju iz odredbe člana 5. stav 1. Uredbe („Sl. novine Kantona Sarajevo“, br. 37/20) i odredbe člana 2. Uredbe o izmjenama i dopunama Uredbe („Službene novine Kantona Sarajevo broj: 27/21):

- CIPS-ova prijava prebivališta (ne starija od dana objave ovog javnog oglasa),
- potvrda da su na evidenciji JU „Služba za zapošljavanje Kantona Sarajevo“ (ne starija od dana objave ovog javnog oglasa) ili
- potvrda poslodavca da su zaposleni na određeno vrijeme (ne starija od dana objave ovog javnog oglasa),
- dokumentaciju kojom se dokazuje status korisnika po ovoj Uredbi propisanu u prilogu ove Uredbe.

Oglas ostaje otvoren 15 dana od dana objavljivanja, a prijave sa dokazima o ispunjavanju uslova slati na adresu: Općinski sud u Sarajevu, ul. Šenoina br. 1, sa naznakom „Za javni oglas br. 065-0-Su-25-001 059“.

NAPOMENA: Nepotpune i neblagovremene prijave neće se uzimati u razmatranje.



PREDSJEDNIK SUDA

[Redacted signature]

[Redacted stamp]